

моя ко мне и аз не услышу вас, взыщите суда, избавляйте обидимаго, за-
 ступайте вдовица и тогда истяжемся, глаголет господь, и аще греси ваши,
 яко черныи будут и аз, яко снег убелюся. И ты, государь, смотри божия
 заповеди и оправдания, поста и праздников не хошет господь, а на пра-
 вилу и на дары не смотрит и молитвы не слушает, велит искати суда пра-
 ведна и обидимому пособити, и тогда бог хошет || заповедей божиих не
 слушати и ближнего пользы судом не искати, а свою пользу в правиле л. 199
 искати явно, и то грех есть и богу досада, что не судити или отсылати
 от суда или отсрочивати суд. А то, государь, богу угодно дело, что судити
 и виноватого мучити ранами или исцу продажею, и ездити рано судити и
 сидети долго, как святии патриарси и царие творили по святых заповедях
 и оправданий господних. А что, государь, помышляешь греху быти в том,
 что после суда борзо судное дело обговаривати да оправить или обвинить,
 или целование крестное дать, и в том, государь, суднем греха несть, что
 скоро управити, занеже сам господь бог в законе Моисею приказал клят-
 вою веру в суде быти, аще послухов верных несть, и аще обыскати мочно,
 и судия не обыскиваючи, да обвинит, и в том судье грех. А что, государь,
 вскоре указ учинить || по суду и обвинити или дати клятва, сииречь крест- л. 199 об.
 ное целование, в том судиям спасение есть велико. А что, государь, не давати
 крестного целования, а обыск не приидет, и то не добродетель, но знамение
 немилосердия и лености прикрышка, что исцом не давати земские правды
 да волочить, занеже, государь, есть писано духом святым в божиих книгах
 заповедь господня так: не от рдцыа благо творити требующему, вегда аще
 имать рука твоя помогати, не рдцы, отшед возвращуся и утре дам, сильну
 ти сущу благо творити не веси, что родит находяйи будет слово сообше
 всякому человеку. А большее, государь, суд и приказ что чего так требует,
 яко же обидимый заступления от насилующих требуют, от кого же от иного
 потребует, аще не от судии управы. Кто бывал изобижен, тот знает, какова л. 200
 беда и какова горесть обиды. А только бы, государь, мала нужда была
 обиды, ино не стол бы много и господь приказывал судити. Чья же иная
 рука имать обидимому помагати, только не судиина, кому же и приказ о том,
 только не судии тому приказывает и говорит: не отрцыся от бога творити
 обидимому требующу суда и отмщения вегда, аще имать рука твоя помо-
 гати доколе и еще на судийском престоле еси, доколе еще судити можеши
 имать и можег рука твоя судною властью отмстити на обидящем, не рдцы
 отшед возвращуся и утре дам управу, силен еще будучи благо сотвориши
 бедному того бо для пришед и молитца требуя заступления ныне не
 веси бо, что родит находяи и от престола бо премена судии бывает и
 смергь постигает, и истец лукав может леть сшити и оправитися, виноват
 будучи, и послухи купити, и правду искривити, и судию намздити, и
 смерти || предати суперника лукавыми человеки, и суд смешати, и истцов л. 200 об.
 перечных найдет, и иная многа злая и лукавая могут до утра зделати
 со льстивыми людьми и всякая согрешения ленивому судии приобретающа.
 Того для, государь, той же Иоанн милостивый патриарх, идучи со кресты
 служити ко святому мученику Мине, по челобитью вдовицы для став на
 пути и со кресты, а не пустил с места доколе исцов ее добыли от тех мест,
 как вдовица к нему завопела. И священники ему зазирали и говорили, что
 негораздо стал, невременно судити, идучи со кресты к службе, и добро
 слово патриарх отвечал им: как де яз в службе от господа бога сам услы-
 шан буду не услышав вдовица сея, не господь ли такожде отвратитца от
 меня, како и аз вдовы сея. Полно управив вдову тоже пошел с места
 к мученику, воистину святой се творец божиим заповедем, слышал за-
 поведь || сию: не рдцы отшед возвращуся и утре дам, так и сотворил, не л. 201
 ступив с места дондеже управу дал вдовице, а не послушал своих совет-